

اوننگ گوجری نیوز بولٹن 28 فروری 2025

\*\*\*\*\*

یوہ آکاشوانی جموں ہے محمد سفیرتے نصرت تیں خبر سُنو۔

\*\*\*\*\*

## HEADLINES

۱۔ وزیر اعظم نریندر مودی نے نویں دلی مانہ یورپی یونین کا صدر کی سربراہی آلا عہد سنگ گل بات کی۔

۲۔ ضلع رام بن مانہ پولیس نے ۵ دہشتگرداں غی جائیداداں نانہ ضبط کیو۔

۳۔ وزیر تعلیم سکینہ اتو نے کہیو ہے جے سکولاں کی سرمائی چٹھیاں ۶ مارچ توڑی بدھا دتی گئی ہے۔

۴۔ جموں سرینگر قومی شاہراہ گا رام سو تے قاضی گنڈھ گے بشکار آلا حصہ مانہ فرف جمع ہون تیں گڈیاں غی آمدرفت روک دتی گئی ہے۔

\*\*\*\*\*

## PREZ EU

وزیر اعظم نریندر مودی نے نویں دلی مانہ اج یورپی کمیشن کا صدر کی سربراہی آلا وفد سنگ گل بات کی اس گل بات تیں بعد وزیر اعظم نریندر مودی نے اجتماعی بیان مانہ اظہار کیو جے بھارت تے یورپی یونین گے مابین ۲ دہائیاں آلی حکمت عملی کی شراکت داری سچی تے قدرتی ہم آہنگی ہے انہاں نے کہیو۔ واضع رہ جے یورپی کمیشن کا صدر گزشتہ کل بھارت دو روزہ دورہ ور دلی پہنچیا اس دورہ ور اُن غے ہمراہ یورپی یونین کا ۲۲ کمشنر وی ہیں۔ واضع رہ جے یورپی کالج برائے کمیشن جہیڑو گزشتہ سال کا دسمبر مہینہ مانہ نویں سرے وجود مانہ آیو اس گو یورپ تیں باہر گو پہلو دورو ہے۔ اس دورہ تیں توقعات ہیں جے بھارت تے یورپی یونین کا دوطرفہ تعلقات مزید مضبوط ویں گا۔ یاد رہ جے بھارت تے یورپ کی حکمت عملی کی شراکت داری سال ۲ ہزار چار تیں ہے تے ان کا تعلقات مزید گہرا ہو رہیا ہیں۔

\*\*\*\*\*

## PROPERTIES SEIZED

دہشت گردی نانہ جڑ تیں ختم کرن واسطے عسکریت پسندی نانہ روکن واسطے ایک اہم قدم غا طور ور جموں کشمیر پولیس نے رام بن ضلع غا گول علاقہ مانہ ۵ سابق دہشت گرداں کی جائیداداں نانہ ضبط کرلیو ہے۔ آکاشوانی جموں غا نمائندہ غی رپوٹ غے مطابق ایس ڈی پی او گول غا حکم ور ان جائیداداں غی فروخت تے کسی وی قسم غی منتقل تبدیلی ور مکمل پابندی عائد کردتی گئی ہے۔ یا جائیداد ان دہشت گرداں غی تھی جہیڑا حذبالمجاہدین تیں وابستہ تھا تے پاکستان غے زیر قبضہ جموں کشمیر جاغے دہشت گردی غی تربیت حاصل کرچکا تھا۔ پولیس غے مطابق یے افراد اپنی جائیداد فروخت کر غے علاقہ مانہ عسکریت پسند سرگرمی واسطے رقم اکٹھو کرن غی کوشش کر رہیا تھا۔

\*\*\*\*\*

## NATIONAL SCIENCE DAY

اج پورا ملک مانہ قومى سائنس تہاڑو منایو جارہیو ہے یوہ دن ہر برے ۸۲ فروری نانہ نمناز سائنسدان سر سی وی رمن غی دریافت رمن افکٹ غی یاد ما نہ منایو جے سر رمن نانہ ۰۳۹۱ مانہ اس عظیم سائنسی دریافت ور نوبل اعزاز دتو گیو تھو۔ قومى سائنس تہاڑا گا موقع ور ملک بھر مانہ مختلف سائنسی تقریبات تے سرگرمیں منعقد کی جے۔ وزیر اعظم نریندر مودی نے قومى سائنس تہاڑا غا موقع ور سب نانہ مبارک باد دتی۔ اپنا ایک سماجی پیغام مانہ وزیر اعظم نے کہیو کہ سائنس تے علم مل غے ہر مسئلہ غو حل تلاش کرن مانہ مدد دے۔

\*\*\*\*\*

## SCIENCE DAY CELEBRATION

پنڈت پریم ناتھ دوگرہ گورنمنٹ ڈگری کالج سانہ تے گرداری لعل ڈوگرہ میموریل گورنمنٹ ڈگری کالج ہیرا نگر غا انویشن تے انکوبیشن سیل نے مل غے قومى سائنس تہاڑا غا موقع ور ۲ روزہ تقریب غو انعقاد کیو۔ اس تقریب غو موضوع اس سال وکست بھارت واسطے سائنس تے انویشن مانہ عالمی قیادت واسطے بھارتی نوجوانان نانہ باختیار بنانو تھو۔ جس مانہ بھارت غی سائنسی تے تکنیکی ترقی مانہ نوجوان زہناں غا کردار نانہ اُجاگر کیو گیو۔ اس تقریب مانہ ضلع سامبہ غا مختلف اسکولان گا ۷۲ طلباء نے اپنا بنایا وا سائنسی ماڈل غی نمائش کی۔ اس موقع ور مہمان خصوصی پرنسپل جی ڈی سی سانہ پروفیسر ڈاکٹر ٹونکل سوری نے سائنسی سوچ نانہ پروان چڑھان غی اہمیت ور زور دتو۔

\*\*\*\*\*

## JK COMMISSION

اک اہم قدم مانہ پسماندہ طبقات بارے کمیشن نے اپنو سفارشات کل چیف سیکرٹری اٹل ڈلو نانہ پیش کی۔ جسٹس رٹائرڈ جنک راج کوتوال غی قیادت مانہ بنایا گیا اس کمیشن نانہ او بی سی طبقات کی نمائندگی بارے تجرباتی سروے کیا جان غو کم سویو گیو تھو جس غے تحت شہری تے گرائیں مقامی اداران مانہ ان طبقات غا متناسب تخصااص غی سفارش کی جانی تھی اس کمیشن غی مدت پہلاں گزشتہ سال غا دسمبر مہینہ مانہ مکمل ہوگئی تھی جس مانہ بعد مانہ اس سال غا فروری مہینہ توڑی غی توسیع کی گئی تھی یہ سفارشات ایسا وقت مانہ پیش کی گئی ہیں جد جموں کشمیر مانہ شہری تے پنچائتی اداران نانہ اجوں نمائندگی حاصل نہیں ہے۔

\*\*\*\*\*

## WINTER VACATION

حکومت نے مرکزی زیر انتظام علاقہ مانہ تمام اسکولان مانہ سرد موسم غی وجہ تیں سرمائی چھٹیاں مانہ توسیع کردتی ہے آکاشوانی جموں غا نمائندہ غی رپوٹ غے مطابق وادی کشمیر مانہ جاری خراب موسم غے پیش نظر تمام ہائیر سکینڈری سکول سمیت دیگر تعلیمی اداران ہُن ۷ مارچ ۵۲۰۲ نانہ دوبارہ کھلیں غا۔ جموں کشمیر غی وزیر تعلیم سکینہ اتو نے اس غو اعلان سماجی میدیا ایکس ور کیو۔ محکمہ تعلیم غا جاری کردہ حکم غے مطابق کشمیر صوبہ تے جموں غا سرمائی زون مانہ تمام سرکاری تے نجی اسکولان غی چھٹیاں ۶ مارچ توڑی بدھا دتی گئی ہیں ہُن سکول پہلی مارچ غے بجائے ۷ مارچ ۵۲۰۲ نانہ کھلیں غایوہ فیصلو جموں کشمیر غا مختلف علاقان مانہ مسلسل ۳ دنان تیں جاری برف باری تے بارش غے باعث کیو گیو ہے۔

\*\*\*\*\*

## HIGHWAY

جموں سرینگر قومی شاہراہ رام سو تے قاضی گنڈھ گے درمیان برف جمع ہون غی وجہ سنگ بند رکھی گئی۔ زرائع نے آکاشوانی نانہہ دسیو جے قومی شاہراہ ور ناشری تے نو یوگ ٹنل بشکار پسی آن گاراتلکن تے پتھر آن گی وجہ سنگ ٹریفک محکمہ نانہہ شاہراہ ور گڈیاں لاریاں گی آؤ جائی نانہہ مجبور اُ معطل کرنو پپو۔ اواں سرینگر کرگل شاہراہ تے مغل شاہراہ پہاڑی برف باری گی وجہ تیں بند ہیں متعلقہ حُکام نے مسافراں تے سیلانیان نانہہ ہدایت دتی ہے جے جد تک ان شاہراں گی صفائی گو عمل مکمل نہ کیو جے تد تک کوئے وی ان سڑکاں ور سفر نہ کرے۔ اُنکا خطہ کشمیر گا متعدد بالائی علاقان مانہہ گزشتہ رات تیں درمیانہ تیں پہاڑی درجہ گی برف باری ہوئی ہے۔ تے جموں کشمیر گا میدانی علاقان مانہہ بارش ہوئی ہے۔

\*\*\*\*\*

## JAMMU KATRA ROAD

موسم خراب تے تیز بارش غے پیش نظر جموں کترہ سڑک نانہہ احتیاطی طور ور بند کیو گیو ہے تیز بارش ہون غی وجہ سنگ زیر تعمیر دہلی کٹڑہ ایکسپریس ور تلکن تے گارو ہو گیو ہے جس گا نتیجہ مانہہ یوہ احتیاطی قدم چایو گیو اس سلسلہ مانہہ یاتریاں تے مسافراں گی سلامتی نانہہ یقینی بنان واسطے شری ماتا ویشنو دیوی جان آلاں گو رستو پنتھال سڑک آلے راہ تبدیل کیو گیو ہے۔ یاد رہ جے متعلقہ حُکام گڈیاں لاریاں گی آؤ جائی گی بحالی نانہہ جلدی یقینی بنان واسطے لگاتار نظر رکھ رہیا ہیں۔ تے اس بارے اہم اقدامات ور کم وی کر رہیا ہیں۔ مذکورہ سڑک ور سفر کرن آلا مسافراں نانہہ احتیاط برتن صلاح ہے تے سفر گو آگاز ٹریفک بارے مشاورت نانہہ مد نظر رکھ غے کریں اس بارے اے پی سی او انفتر ٹیک پرائیوٹ لمٹیڈ غا انجنیر اوپیندر یادو نے مزید اس طرح کہیو۔

\*\*\*\*\*

## ANNOUNCEMENT

علاقائی خبراں آلو شعبو آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بڑات خود آئیندہ 7 مارچ توڑی دے سکیں۔ اس بارے مزید جانکاری ویب ور [www.newsonair.gov.in](http://www.newsonair.gov.in) سائیٹ دستیاب ہے۔

\*\*\*\*\*